



Sondagskool 2

Lestitel: Apostel Petrus in die tronk

'n Ouerhandleiding

Sondagskooltuisonderrig



Liewe Ouer

Welkom by die les: “**Apostel Petrus in die tronk**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Apostel Petrus in die tronk
Bybelwoord	Handelinge 12: 1 – 17
Lesdoelwit	Die kinders leer dat God sy diensknegte beskerm en hulle begryp die belangrikheid van voorbedding.

Lesopsomming:

Die eerste Christene in Jerusalem is wreed behandel. Koning Agrippa het Apostel Petrus onskuldig laat arresteer en gevange neem. Die Koning was van mening dat Petrus 'n bedreiging vir sy koninkryk was deur die woord van God aan Christene te versprei en was van plan om hom na die Pasga in die openbaar te verhoor.

Die hele gemeente het innig en ernstig tot God gebid. Hulle het by die Here gepleit om hul apostel te beskerm en te help. Hulle het op die Here vertrou en die hele nag gebid vir 'n wonderwerk.

Die lede het meteens 'n klop aan die deur gehoor, en dit was die Apostel Petrus. Hy het aan die gemeente verduidelik dat hy vasgeketting was en dat hy en die wagte aan die slaap was, toe 'n helder lig hom skielik wakker maak; 'n Engel van die Here het vir hom gesê om op te staan en die kettings het afgeval. Die tronkhek het oopgegaan en hy het deur hulle geloop sonder dat een van die wagte hom gewaar het. Deur die gebede van die gemeente het die Here 'n engel gestuur om Apostel Petrus te bevry.

Saam het hulle God gedank vir hierdie wonderbaarlike redding.

Wat beteken hierdie les vandag vir ons?

- Wanneer ons in gebed intree namens ons apostels, diensknegte, broers en susters, verhoor die Here ons gebede.
- Nuwe Apostoliese Christene tree ook in vir die ontslapenes. Wanneer ons dit doen, vra ons die Here om diegene te help wat in 'n onverloste toestand na die hiernamaals gegaan het.
- God sê in Matteus 18 vers 20: “Want waar twee of drie in my Naam vergader, daar is Ek in hulle midde”.



Sommige vrae wat ons kan vra:

Vraag: Hoe dink jy het die gemeente gevoel toe hulle die aand vir Apostel Petrus by die deur sien?

Antwoord: Hulle was baie bly en dankbaar teenoor God dat Hy hulle gebede om Apostel Petrus te red, gehoor en beantwoord het. Hulle het pas 'n wonderwerk aanskou.

Vraag: Waarom dink jy is dit belangrik om vandag in gebed vir ons apostels en diensknegte in te tree?

Antwoord: Hulle het 'n groot taak om ons vir verlossing en die dag van die eerste opstanding voor te berei. Ons bid tot God om vir hulle krag te gee om sy werk te voltooi.

Vraag: Kan jy dink aan 'n tyd toe jy in vir iemand in gebed ingetree het?

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie, Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.